



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/07-14-38844-171-1/19
Sarajevo, 05.012.2019. godine

SKUPŠTINA KANTONA SARAJEVO
n/r PREDSDJEDAJUĆI SKUPŠTINE KANTONA SARAJEVO
- O V D J E -

ZASTUPNIČKO PITANJE:

Zastupnica Danijela Kristić, na 14. radnoj sjednici Skupštine Kantona Sarajevo, održanoj dana 30.10.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, postavila je zastupničko pitanje:

„Imam informaciju da su se namjenska sredstva koja je JU STUDENSTSKI CENTAR dobio od MINISTARSTVA OBRAZOVANJA, NAUKE I KULTURE za obnovu i stavljanje u funkciju Đačkog doma ŽELJEZNIČKOG ŠKOLSKOG CENTRA (u Buča Potoku), **trošena nenamjenski**. Molim da mi dostavite odobrenu specifikaciju plana utroška **sredstava i da mi objasnite zašto su sredstva trošena nenamjenski**, jer svako nenamjensko trošenje dovodi u pitanje kompletnu realizaciju projekta i kršenje samog ugovora, te treba da snosi odgovornost onoga ko ne postupa sa sredstvima onako kako su odobrena“

ODGOVOR:

Sporazum o namjenskom korištenju sredstava za realizaciju Projekta nabavke opreme za potrebe JU „Studentski centar“ Sarajevo potpisan je 26.12.2017. godine na osnovu zahtjeva ustanove za nabavku opreme broj: 01-2423/17 od 08.12.2017. godine u kojem je dostavljen pregled neophodnih sredstava i to:

- Iverica sa rezanjem i kantiranjem, koja će se koristiti za izradu pločastog namještaja cca 60.000 KM
- Nabavka televizora cca 20.000 KM
- Nabavka projektora cca 3.000 KM
- Nabavka stolica cca 9.000 KM
- Nabavka madraca cca 8.000 KM
- Nabavka unutarnjih vrata cca 35.000 KM, odnosno ukupno cca 135.000 KM.

U skladu sa Sporazumom, JU „Studentski centar“ Sarajevo doznačena su sredstva u iznosu od 120.000 KM za navedene namjene.

Na osnovu zahtjeva Ministarstva za obrazovanje, nauku i mlade Kantona Sarajevo iz januara mjesecu 2019. godine iz urgencije iz marta mjeseca 2019. godine, a na osnovu člana 4. navedenog Sporazuma, JU „Studentski centar“ Sarajevo je dostavila izvještaj o utrošku doznačenih sredstava.

Analizom dostavljenog izvještaja utvrđeno je da dio sredstava u iznosu od 12.869,42 KM nisu utrošena namjenski i to:

- Nabavka, transport i ugradnja tamponskog materijala sa nabijanjem, priprema podložnog terena, skidanje, odvoz i valjanje u vrijednosti od 7.020 KM i
- Nabavka i ugradnja elektroinstalacionih radova u vrijednosti od 5.849,42 KM.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Ministarstvo za obrazovanje, nauku i mlade je JU „Studentski centar“ Sarajevo uputilo obavjest da su, u skladu sa članom 5. Sporazuma, dužni dio nenamjenski utrošenih sredstava vratiti u Budžet Kantona Sarajevo.

Do danas, JU „Studentski centar“ Sarajevo nije izvršila povrat nenamjenski utrošenih sredstava.

Pitanje:

2. Zašto objekat Đačkog doma ŽŠC-a još uvijek nije u funkciji, i ako je koliko sam informisana već odavno izvršen utrošak sredstava za obnovu i stavljanje u funkciju istog. Da li je procedura registracije objekta u skladu sa planiranom namjenom dovedena do kraja. Prema informacijama sa kojima raspolazem objekat je zaključan, obnovljen i ne koristi se za namjenu koja je planirana i definisana ugovorom, te da sama registracija nije završena radi ljudskog nemara.

Da li ste prije potpisivanja ugovora, vodili računa o mogućnosti da se taj objekat koristi u namjene koje ste planirali, a kako sam mogla čuti iz izjava u medijima plan je bio da se objekat otvori za smještaj gostiju i pružanja restoranskih usluga otvorenog tipa, uz naravno dio koji bi trebalo da koristi Ministarstvo obrazovanja. Koliko mi je poznato zbog registracije samog objekta Đačkog doma ova planirana djelatnost nije moguća prije izmjena u samoj registraciji. Molim da mi dostavite aktuelnu registraciju Đačkog doma, registraciju i dozvole za djelatnosti koje su planirane, zatim potpisan Sporazum između Ministarstva, JU Studentskog centra i JU Željeznički školski centar, kao i ugovor između JU Studentski centar i i ŽŠC o korištenju objekta.

Bojim se da je zbog ne adekvatne pripreme u planu namjene objekta, zatim ljudskih propusta tokom pripreme ugovora „zarobljen“ značajan dio sredstava u obnovu objekta, a da će za stavljanje istog u funkciju proći dosta vremena. Smatram da bi oni koji su napravili propuste a sudionici su ovog projekta trebali imati odgovornost, jer su „zarobljena“ značajna sredstva od kojih sada niko nema koristi a itekako bi mogla da se iskoriste, jer toliko imamo projekata i objekata kojima bi ova sredstva dobro došla.

Odgovor:

U vezi sa Vašim pitanjem Ministarstvo za obrazovanje, nauku i mlade Kantona Sarajevo je JU Željezničkom školskom Centru Sarajevo dostavilo 11/04-34-37102-1/17 od 09.03.2018. zahtjev za postupanje, a u vezi je sa podneskom JU Studentski centar Sarajevo. Ministarstvo je od JU Željeznički školski centar Sarajevo zaprimilo Odgovor na poslaničko pitanje, broj: 01-2448/19 od 09.12.2019. godine, Rješenje od 23.06.1995. godine UF/I 518/95, Rješenje od 7.7.1999. godine UF/1 1310/99, Prijedlog sporazuma o opremanju i korištenju objekta Doma učenika Željezničkog školskog centra, Ugovor o korištenju dijela objekta Doma učenika Željezničkog školskog centra Sarajevo, Odluka broj:06-1208/18 od 12.09.2018. godine i akt Ministarstva broj:11/04-34-37102-1/17 od 09.03.2018. godine. Ugovorne strane su u obavezi da jasno preciziraju namjenu objekta zajedno sa Osnivačem tj. Skupštinom Kantona Sarajevo kako bi objekat bio pušten u funkciju, Ministarstvo će se maksimalno uključiti s ciljem konačnog rješavanja ovog pitanja.

Dostaviti:

1. Naslovu
2. Stručna služba Vlade Kantona Sarajevo
3. Sekretar Ministarstva za obrazovanje, nauku i mlade Kantona Sarajevo
4. Arhiva



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1





Broj: 11/04-34-37102-1/17
Sarajevo, 09.03.2018. godine

12-3 2018

Bosna i Hercegovina
Federacija Bosne i Hercegovine
KANTON SARAJEVO
JAVNA USTANOVA „STUDENTSKI CENTAR“
Sarajevo, Aleja Bosne srebrene bb (objekat A)

n/r Direktora


PREDMET: Informacija i Zahtjev za postupanje, dostavljaju se

U Ministarstvu za obrazovanje, nauku i mlade zaprimljen je podnesak Javne ustanove Studentski centar, broj: 01-2463/17, od 14.12.2017. godine, u kojem se traži saglasnost za upravljanje učeničkim domom Željezničkog školskog centra.

Na zahtjev Ministarstva za obrazovanje, nauku i mlade za dostavljanje određenih podataka i mišljenja Javne ustanove Željeznički školski centar, zaprimili smo prijedlog Sporazuma o dodjeli na korištenje dijela objekta doma učenika Željezničkog školskog centra Sarajevo za potrebe Ministarstva za obrazovanje, nauku i mlade.

Uvidom u predmetni sporazum uočeni su određeni nedostaci i to:

1. Obzirom da je shodno Zakonu o imovini Kantona imovina javnih ustanova definisana kao imovina Kantona, istom upravlja Skupština Kantona Sarajevo, te bi za bilo kakav sporazum bilo neophodno pribaviti odluku ili najmanje saglasnost za potpisivanje.
2. U članu 1. definiše se da se Sporazumom regulišu pitanja na realizaciji „Projekta pretvaranja Doma učenika u Klub prosvjetnih radnika. Pored činjenice da je pojam „pretvaranja“ u ovom kontekstu nejasan, bilo bi potrebno da Projekat čini sastavni dio Sporazuma.
3. U članu 2. definiše se saglasnost Ministarstva za obavljanje poslova iz člana 1. , što je potpuno nelogično obzirom da je Ministarstvo potpisnik istog.
4. Članom 3. definiše se pravo korištenja prostora koji predstavlja pomenuti klub i zajedničkog prostora bez ikakvih detalja.
5. Članom 4. definiše se društveni interes za realizaciju sporazuma koji nije dat ni na uvid, niti je sastavni dio Sporazuma.
6. U članu 6.:
 - prvi dio je pogrešno pozicioniran, provedene aktivnosti se navode u uvodnom dijelu Sporazuma;
 - dio koji propisuje obaveze Ministarstva je potpuno neprihvatljiv, zbog činjenice da Sporazum predviđa promjenu korisnika prostora, a ne predviđa obaveze korisnika koje se odnose na tzv. tekuće održavanje i režijske troškove;
 - treći dio obavezuje davaoca prostora na realizaciju svih poslova potrebnih za čuvanje i održavanje objekta, što nije poznata praksa bez obzira na pravni osnov korištenja prostora;
 - četvrti dio je kontradiktoran prethodnim navodima jer tekuće održavanje planira raditi korisnik prostora.




7. Član 7. je nepotreban jer su u Sporazumu već definisane obaveze potpisnika, koje se definišu i ugovorom, iako nisu ispunjeni uvjeti za njegovo potpisivanje.
8. Iz teksta sporazuma nisu jasno vidljive eventualne potrebe Ministarstva za obrazovanje, nauku i mlade.

U navedenim primjedbama nisu navedene odredbe Zakona o stvarnim pravima, koje se tiču načina utvrđivanja korisnika imovine u vlasništvu kantona, Federacije i jedinica lokalne samouprave, kao i one odredbe Zakona koje se odnose na dužinu trajanja zakupa, konštenja i slično, kao i cijenu istog.

Shodno navedenom smatramo da je, u svrhu intenziviranja aktivnosti na potpisivanju sporazuma ili ugovora i provođenju radnji i aktivnosti s ciljem stavljanja u funkciju predmetnog objekta, neophodno da ovom ministarstvu dostavite predmetni projekat.


Nakon uvida u projekat, bilo bi jednostavnije utvrditi bitne elemente sporazuma, kao i potrebne radnje koje treba poduzeti s ciljem ispunjavanja uvjeta za njegovo potpisivanja.

S poštovanjem,



Dostavljeno:

1. Naslovu
2. Željezničko školski centar (Sarajevo, Ložionička 8; n/r Direktora)
3. A/a



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-214
Sarajevo, Reisa Džemal-begovina Čauševića 1



Bosna i Hercegovina
Federacija Bosne i Hercegovine
Kanton Sarajevo



Bosnia and Herzegovina
Federation of Bosnia and Herzegovina
Canton Sarajevo

ŽELJEZNIČKI ŠKOLSKI CENTAR SARAJEVO

Broj: 06 -1208/18

Datum: 12.09.2018. godine

Na osnovu člana 154. Pravila Željezničkog školskog centra Sarajevo Školski odbor Željezničkog školskog centra Sarajevo na sjednici održanoj dana 12.09.2018. godine
d o n o s i

O D L U K U

I


Daje se saglasnost direktoru Željezničkog školskog centra Sarajevo za potpisivanje Ugovora o korištenju dijela objekta Doma učenika Željezničkog školskog centra Sarajevo sa JU Studentski centar Sarajevo, koga zastupa direktor Tarik Curić, u obliku koji je predstavljen na sjednici Školskog odbora.

II

Odluka stupa na snagu danom donošenja.

Dostaviti

1. Oglasna ploča,
2. 05,
3. Uz materijal ŠO,
4. a/a.



ŠKOLSKI ODBOR

Ministarstvo

naš.ing.

Član 7.

Ovaj Sporazum stupa na snagu danom njegovog potpisivanja i sačinjen je u 12 (dvanaest) primjeraka, od kojih 3 (tri) primjerka zadržava za svoje potrebe svaka od potpisnica Sporazuma.

MINISTARSTVO ZA OBRAZOVANJE,
NAUKU I MLADE KANTONA
SARAJEVO

MINISTAR
Prof.dr. Elvir Kazazović

ŽELJEZNIČKI ŠKOLSKI CENTAR

DIREKTOR:
Ibro Čebirić

Broj: _____
Datum: _____

Broj: _____
Datum: _____

JAVNA USTANOVA STUDENTSKI
CENTAR SARAJEVO

DIREKTOR
Tarik Curić

JAVNA USTANOVA DJECA SARAJEVA

v.d. direktora
Jasmina Čongo

Broj: _____
Datum: _____

Broj: _____
Datum: _____

Član 4.

1. Željeznički školski centar i Studentski centar će, posebnim ugovorom regulisati međusobna prava i obaveze u smislu korištenja dijela objekta, nakon okončanja opremanja.
2. Ugovor iz stava 1. ovog člana će se zaključiti u trajanju od najviše 24 mjeseca sa mogućnošću ponovnog zaključivanja, odnosno produženja važenja anexom ugovora.
3. Ugovorom iz stava 1. ovog člana će se precizirati međusobna prava i obaveze potpisnika, koje će uključivati bitne elemente ovog sporazuma, kao i sljedeće:
 - obaveze korisnika koje se tiču tekućeg održavanja, na način da se svaki korisnik, u ime Doma, a za svoj račun brine o dijelu koji koristi,
 - obaveze korisnika koje se odnose na realne režijske troškove snosi u ime Doma, a za svoj račun svaki korisnik u svom dijelu,
 - korištenje prostora (zajedničkog i pojedinačnog) se obavlja sa pažnjom dobrog domaćina, isključivo za utvrđene djelatnosti, odnosno one koje nisu u suprotnosti sa drugim djelatnostima koje se obavljaju u objektu, te koje ni na koji način ne ugrožavaju, niti ometaju redovne djelatnosti predškolske ustanove i Doma učenika.

Član 5.

Obaveze Studentskog centra - implementator i finansijer projekta su da:

- prostor površine cca 2.000 m² u Domu, opremi i to: kuhinju, restoran, kupatila, i tri sale, što obuhvata provođenje procedure u skladu sa Zakonom o javnim nabavkama

Obaveze JU Djeca Sarajeva su da obavlja djelatnost predškolskog odgoja i obrazovanja u skladu sa važećim propisima iz ove oblasti.

Obaveze Željezničkog školskog centra Sarajevo su:

- održavanje cijelog objekta, cca 6.000 m² što podrazumjeva funkcionalnost objekta u punom kapacitetu i potpunoj svrsishodnosti,
- plaćanje svih režijskih troškova za objekat do početka korištenja objekta prema ugovoru iz člana 4. ovog sporazuma.

Član 6.

Potpisnici ovog Sporazuma, isti potpisuju i bez ikakvih ograničenja će ga provesti, a sve u cilju društvenog interesa, te će u tom smislu sve eventualne nesporazume u sprovođenju istog, rješavati dogovorom, a ako to nije moguće, u slučaju spora nadležan je Sud u Sarajevu.

SPORAZUM

o opremanju i korištenju objekta Doma učenika Željezničkog školskog centra

1. **MINISTARSTVO ZA OBRAZOVANJE, NAUKU I MLADE**, koga zastupa Ministar Elvir Kazazović (u daljem tekstu Ministarstvo za obrazovanje, nauku i mlade Kantona Sarajevo)
2. **JAVNA USTANOVA STUDENTSKI CENTAR SARAJEVO**, koga zastupa direktor Tarik Curić (u daljem tekstu: Studentski centar)
3. **JAVNA USTANOVA DJECA SARAJEVA** koga zastupa v.d. direktora Jasmina Čongo (u daljem tekstu: JU Djeca Sarajeva)
4. **ŽELJEZNIČKI ŠKOLSKI CENTAR SARAJEVO**, koga zastupa direktor Ibro Čebirić, (u daljem tekstu; Željeznički školski centar Sarajevo)

Član 1.

Ovim sporazumom se reguliraju pitanja na realizaciji projekta opremanja dijela prostora Doma učenika Željezničkog školskog centra Sarajevo (u daljem tekstu: Dom) u ulici Safeta Zajke broj 6, površine od cca 2.000 m² i korištenje objekta Željezničkog školskog centra.

Član 2.

Potpisnici Sporazuma su saglasni da imaju opravdan društveni interes da na način i kroz proceduru propisanu ovim Sporazumom, realizuju projekat iz člana 1. ovog Sporazuma, a u cilju stavljanja objekta u funkcije od posebnog društvenog značaja.


Član 3.

Potpisnici Sporazuma konstatuju da su prije potpisivanja ovog Sporazuma utvrđeno je sljedeće:

1. Osigurana sredstva za opremanje dijela objekta Željezničkog školskog centra, od JU Studentski centar kao implementatora i finansijera projekta opremanja predmetnog objekta,
2. Dio Doma u kojem je formiran vrtić „ŽIŠ“ nije predmet sporazuma i rad ovog dijela objekta ne smije biti ugrožen ni radovima koji su predmet ovog sporazuma, niti korištenjem objekta od bilo kojeg subjekta u budućnosti.
3. Željeznički školski centar će koristiti dio objekta za svoje potrebe u utvrđenom obimu.
4. Korištenje dijela prostora u skladu sa ovim sporazumom i eventualnim anexima sporazuma i ugovorima koji proisteknu iz ovog sporazuma ne daje Studentskom centru pravo raspolaganja ili otuđenja, kao ni druga prava definisana Zakonom o obligacionim odnosima i Zakonom o stvarnim pravima.

REGISTARSKI LIST

Podaci o djelatnosti, odnosno poslovima subjekta upisa

1	Broj i datum rješenja o upisu subjekta upisa u sudski registar	UF/I 1310/99 od 07.07.1999.g.
2	Djelatnost, odnosno poslovi subjekta upisa	<p>Djelatnost Željezničkog školskog centra Sarajevo u Sarajevu koja je upisana u registar Višeg suda u Sarajevu broj UF/I-518/95 od 23.06.1995.godine reg. uložak 3-83 proširuje se sa slijedećom djelatnošću:</p> <ul style="list-style-type: none"> - Odgoj, smještaj i ishrana, - kulturna djelatnost, fizička rekreacija i zadovoljavanje drugih potreba učenika, <p>Ranija registrovana djelatnost Željezničkog školskog centra Sarajevo je:</p> <ul style="list-style-type: none"> - Srednje obrazovanje učenika za odgovarajuća stručna zvanja, srednje tehničke i srednje škole i zanimanja srednje stručne škole u okviru :saobraćajne, elektrotehničke i mašinske struke, - prekvalifikacija i stručno usavršavanje učenika i radni za potrebe Željeznica Bosne i Hercegovine i trećih lica - organizovanje stručnih ispita za radnike Željeznica Bosne i Hercegovine, - finalizacija učeničkih radova.
3		 Sudski zapisnik SADOV [redacted] MEHA

RJEŠENJE

o upisu u sudski registar subjekta upisa

KANTONALNI SUD U SARAJEVU

(naziv i sjedište suda)

SADOVIĆ AMIRA

sucu - sudiji pojedincu

(prezime i ime)

ŽELJEZNIČKI ŠKOLSKI CENTAR SARAJEVO, ul. Ložionička

rješavajući po prijavi

br. 8

(naziv i sjedište subjekta upisa)

koju zastupa

(prezime i ime)

u predmetu upisa

u sudski registar

proširenje djelatnosti

(predmet upisa)

a na temelju - osnovu članka - člana 43. Zakona o postupku za upis u sudski registar ("Službene novine Federacije BiH", broj 6/95), dana 7.07.1999.g. godine, donio je

RJEŠENJE

1. U sudski registar ovog suda upisan je subjekat upisa sa sljedećim podacima:

ŽELJEZNIČKI ŠKOLSKI CENTAR SARAJEVO-SARAJEVO

Sjedište: Sarajevo, ul. Ložionička br.8

2. Podaci o subjektu upisa upisani u sudski registar sadržani su u registarskim listovima broj 4.

koji se nalaze uz ovo rješenje i čine njegov sastavni dio.

3. Registarski broj subjekta upisa: 3-83

07.07.1999.g.

4. Datum upisa:

Protiv ovog rješenja može se izjaviti žalba u roku od osam (8) dana od dana prijema ovog rješenja. Žalba se izjavljuje VRHOVNOM SUDU FEDERACIJE BIH

(naziv i sjedište suda)


a podnosi preko ovog suda.

Broj: UF/I 1310/99

Datum: 07.07.1999.g.

M. P.

SADOVIĆ AMIRA



"Željeznički školski centar Sarajevo"
Sarajevo

Sjedište: Sarajevo ul. Ložionička br. 8.

Prilog uz
rješenje
broj

6.

Broj registarskog uložka registarskog
suda i njegovo sjedište

1-81

Datum upisa

Oznaka i broj rješenja

Broj upisa

Naziv suda

23.6.1995.g.

UP/I 513/95


1

VIŠI SUD SARAJEVO

Na osnovu rješenja registarskog suda izvršen je upis u sudski registar **Upis Javne ustanove u dr-
žavnoj svojini nastaloj usaglašavanjem sa Zakonom o ustanovama.**
sa sljedećim podacima:

1. Imena lica ovlašćenih za zastupanje subjekta upisa čija je firma navedena u prilogu uz prepis rješenja br. 1 i granice njihovih ovlašćenja

Dobrojević Ivo, dipl. inž. direktor neograničeno zastupa i predstavlja željeznički školski centar Sarajevo.



Sljedi nastavak broj:

Ovlašćeno lice potpisuje samo prilog uz prijavu, a sudija -- prilog uz rješenje i registarski list.

OBRAZAC: Prilog uz rješenje broj 6

SARS, sarajevska svjetlost, dd, Sarajevo

Oznaka za narudžbu: 16/6 Izdanje: 1992.

Firma i sjedište
subjekta

"Željeznički školski centar Sarajevo"
Sarajevo
Sjedište: Sarajevo ul. Lošionička br. 8.

Prilog uz
rješenje
broj

5

Broj registarskog uložka registarskog
suda i njegovo sjedište

Datum upisa	Oznaka i broj rješenja	Broj upisa	Naziv suda
21.6.1995	RP/I 518/95	1	VIŠI SUD SARAJEVO

Upis javne ustanove u dr-


Na osnovu rješenja registarskog suda izvršen je upis u sudski registar
žavnoj svojini nastaloj usaglasavanjem sa zakonom o us- sa sljedećim podacima:
tanovima

1. Ovlašćenje subjekta upisa čija je firma navedena u prilogu uz prepis rješenja broj 1 u pravnom prometu
s trećim licima

Željeznički školski centar Sarajevo ima pravo da u pravnom
prometu zaključuje ugovore i vrši druge poslove i pravne
radnje u okviru svoje pravne sposobnosti.


2. Vrsta i obim odgovornosti za obaveze subjekta upisa u pravnom prometu sa trećim licima i vrsta i
obim odgovornosti za obaveze drugih subjekata

Željeznički školski centar Sarajevo odgovara za svoja obaveze
sredstvima sa kojima raspolaže.
Potpuna odgovornost.
Osnivač je supsidijarno odgovoran za obaveze Željezničkog
školskog centra Sarajevo.



Slijedi nastavak broj:

Ovlašćeno lice potpisuje samo prilog uz prijavu, a sudija — prilog uz rješenje i registarski list.
OBRAZAC: Prilog uz rješenje broj 5



"Željeznički školski centar Sarajevo"
 Sarajevo
 Sjedište: Sarajevo ul. Ložionička br. 8.

Prilog uz rješenje broj **3**

Broj registarskog uložka registarskog suda i njegovo sjedište

3-81


Datum upisa	Oznaka i broj rješenja	Broj upisa	Naziv suda
23.6.1995.g.	UV/I 518/95	1	VIŠI SUD SARAJEVO

Na osnovu rješenja registarskog suda izvršen je upis u sudski registar **Upis JAVNE ustanove u državnoj svojini nastaloj usaglasavanjem sa zakonom o ustanovama** sa sljedećim podacima:

- Djelatnosti odnosno poslovi subjekta upisa čija je firma navedena u prilogu uz prepis rješenja broj 1


Djelatnost Željezničkog školskog centra je:

- srednje obrazovanje učenika sa odgovarajuća stručna zvanja srednje tehničke i srednje škole i zanimanja srednje stručne škole u okviru: saobraćajne, elektrotehničke i mašinske struke,
- prekvalifikacija i stručno usavršavanje učenika i radnika za potrebe Željeznica Bosne i Hercegovine i trećih lica,
- organizovanje stručnih ispita za radnike Željeznica Bosne i Hercegovine,
- finalizacija učeničkih radova.



Slijedi nastavak broj:

Red. broj	Ukupan iznos sredstava osnivača i svakog ulagača	Vrsta i obim odgovornosti za obaveze subjekta upisa	Datum istupanja
5	6	7	8
1			
2			
3			
4			
5			
6			
7			
8			
9			
10			



KREVIĆ DŽENANA

 4. Prilog uz zapisnik rješenja

Ovlašćeno lice potpisuje samo prilog uz prijavu, a sudija — prilog uz rješenje.

Firma, sjedište
i objekta

"Željeznički školski centar Sarajevo"
Sarajevo
Sjedište: Sarajevo ul. Lošenička br. 8.

Prilog uz
rješenje
broj

1

Broj registarskog uložka registarskog
suda i njegovo sjedište

Na osnovu rješenja registarskog suda izvršeni su **Upis i javni ustanov u državnoj svojini**
nastaloj usaglašavanjem sa Zakonom o ustanovama sa sljedećim podacima:

Red. broj	Naziv i sjedište osnivača odnosno prebivalište ulagača	Broj i datum akta o osnivanju	Datum pristupanja
1	2	3	4
1	Republika Bosna i Hercegovina	Odluka Skupštine Republike BiH S.broj 217 od 17. januara 1995.g.	
2			
3			
4			
5			
6			
7			
8			
9			
10			

4. Prilog uz prepis rješenja

Ovlašćeno lice potpisuje samo prilog uz prijavu, a sudija — prilog uz rješenje i registarski list.
OBRAZAC: Prilog uz rješenje broj 2
SARS, sarajevska svjetlost, dd, Sarajevo
Oznaka za narudžbu: 16/2 Izdanje: 1992.

Prilog uz
rješenje
broj

1

"Željeznički školski centar Sarajevo"
Sarajevo

Sjedište: Sarajevo ul. Ložionička br. 8.

Firma i sjedište
subjektaBroj registarskog uložka registarskog
suda i njegovo sjedište

1-83

Datum upisa

Oznaka i broj rješenja

Broj upisa

Naziv suda

23.6.1995.g

UP/E 518/95

1

VIŠI SUD SARAJEVO

Na osnovu rješenja registarskog suda izvršen je upis u sudski registar Upis javne ustanove u dr-
žavnoj svojini nastaloj usaglašavanjem sa Zakonom o sa sljedećim podacima:
ustanovama

1. Firma i sjedište preduzeća ili drugog subjekta upisa

"Željeznički školski centar Sarajevo" Sarajevo


Sjedište: Sarajevo ul. Ložionička br. 8.

2. Ostali upisi

Javna ustanova Željeznički školski centar Sarajevo nastala je usaglašavanjem sa Zakonom o ustanovama ("Sl. list RBiH" br. 6/92, 8/93 i 13/94), a na osnovu Odluke o prenošenju prava osnivača Radne organizacije Željeznički školski centar Sarajevo na Skupštinu Republike Bosne i Hercegovine br. 3/I-95 od 27. decembra 1994. g. koju je donio Upravni odbor Željeznica Bosne i Hercegovine i Odluke Skupštine Republike Bosne i Hercegovine o preuzimanju prava i obaveza osnivača prema Radnoj organizaciji Željeznički školski centar Sarajevo br. 5. 217 od 17. januara 1995. g. ("Sl. list RBiH" br. 4/95).

Javna ustanova Željeznički školski centar Sarajevo preuzima sredstva, prava i obaveze Radne organizacije Željeznički školski centar Sarajevo koja je registrovana kod Osnovnog suda udruženog rada Sarajevo - Rješenje br. U/I 3172/90 od 5.12.1990.g.

Rješenjem Ministarstva obrazovanja, nauke, kulture i sporta utvrđeno je da Javna ustanova ispunjava uslove za obavljanje djelatnosti i upisana je u poseban Registar pod brojem UP-I-62-611-2422/95 od 9.05.1995.g.



Slijedi nastavak broj:

4. prilog uz prepis rješenja

Ovlašćeno lice potpisuje samo prilog uz prijavu, a sudija — prilog uz prijavu i registarski list.

OBRAZAC: Prilog uz rješenje broj 1

SARS, sarajevska svjetlost, dd, Sarajevo

Oznaka za narudžbu: 16/1 Izdanje: 1992.

VIŠI SUD U SARAJEVU

kao registarski sud, po sudiji

pojedincu

KRIVIĆ DŽENANA

u predmetu upisa u sudski registar, kako je to označeno na strani I. prijave, na osnovu odredaba iz čl. 5, 24, 45

— 47. Zakona o postupku za upis u sudski registar, dana 23.6.1995.godine donio je,

RJEŠENJE

Da se u sudski registar registarskog suda upiše: **Upis javne ustanove u državnoj**

svojini pod nazivom;

"Željeznički školski centar Sarajevo" Sarajevo.

Sjedište Sarajevo, ul. Ložionička br. 8.


s podacima navedenim u prilogama uz rješenje broj 1.2.3.5.6. koji su sastavni dio ovog rješenja.

VIŠI SUD U SARAJEVU

Sarajevo, 23.6.1995.godine

(mjesto i datum)

Protiv ovog rješenja zainteresovana strana može izjaviti žalbu nadležnom drugom sudu, preko ovog suda u roku od 8 dana od dana prijema rješenja.



Naglašavam da je stav škole da se, štiteći interes škole, prostor Doma stavi u funkciju šireg društvenog interesa što dokazuje i činjenica da od 2016. godine u prostoru Doma postoji vrtić koji radi u sklopu JU Djeca Sarajeva a za čije potrebe je prostor ustupljen bez ikakve naknade. Zaprimili smo i molbu općine Novi Grad za proširenje prostora za potrebe vrtića. U Domu borave i učenici Željezničkog školskog centra koji dolaze iz Cazina, Žepča, Banovića i Bugojna. U dvorištu Doma je prostor pretvoren u dječije igralište, a dio dvorišta je pretvoren u šehidsko mezarje.

Sve navedeno ide u prilog činjenici da Dom nije „zaključan“, te da se prostor koristi uvažavajući potrebe škole, nadležnih institucija i lokalne zajednice.

Na kraju, izražavam zadovoljstvo u svoje lično ime, u ime školskog odbora kao i uposlenika Željezničkog školskog centra što se poduzimaju aktivnosti kako bi se prostor Doma koristio u interesu škole i šire društvene zajednice.

S poštovanjem,



Prilog;

- **Sporazum** (prijedlog-nepotpisan) između JU Željeznički školski centar Sarajevo, JU Studentski centar, JU Djeca Sarajevo i Ministarstva za obrazovanje, nauku i mlade KS i Ugovor između JU Željeznički školski centar Sarajevo i JU Studentski centar
- **Registracija** škole 1995.godine
- **Registracija** škole (proširena) iz 1999.godine
- Mišljenje Pravobranilaštva KS

Bosna i Hercegovina
Federacija Bosne i Hercegovine
Kanton Sarajevo



Bosnia and Herzegovina
Federation of Bosnia and Herzegovina
Canton Sarajevo

ŽELJEZNIČKI ŠKOLSKI CENTAR SARAJEVO

Sarajevo, 09.12.2019.
Djelovodn broj: 01-2448/19

PREDMET: Odgovor na poslaničko pitanje

Poštovana,

Ovim putem Vam odgovoram na e-mail koji smo zaprimili 06.12.2019. a kojim se traži očitovanje na poslaničko pitanje. Kako se u pitanju pominje i naša škola ističem sljedeće:

U sastavu Željezničkog školskog centra Sarajevo se nalazi i Dom učenika sa adresom u ulici Safeta Zajke broj 6. Dom je prvenstveno bio namjenjen za smještaj i ishranu učenika koji nisu iz Sarajeva i kao takav postoji od 1961.godine kada je izgrađen sredstvima Željeznica BiH. Kako je u ratu Dom potpuno devastiran nakon rata se obnavlja vlastitim i sredstvima iz donacija sindikata Željeznica zemalja Evrope i ponovo počinje sa radom 1999.godine (na zemljištu koje je uknjiženo na ŽŠC).

Pri preuzimanju dužnosti direktora ŽŠC Sarajevo u maju 2019.godine uočavam da se pravna dokumentacija za pretvaranjem dijela prostora Doma učenika u Klub prosvjetnih radnika, a u organizaciji JU Studentski centar Sarajevo, nije okončala. U septembru 2018. je potpisan Ugovor između JU Studentski centar Sarajevo i JU Željeznički školski centar, ali se isti u zaglavlju poziva na Sporazum koji su trebale potpisati JU Studentski centar, JU Željeznički školski centar, Ministarstvo za obrazovanje nauku i mlade KS i JU Djeca Sarajeva. Kako do potpisivanja Sporazuma nikad nije došlo (bio je planiran na Dnevnom redu Skupštine KS ali nije razmatran) na moju inicijativu organizujem sastanak sa direktorom Studentskog Centra kako bi dogovorili dalje korake. Sastanak je održan 09.05.2019. u prostorijama škole i dogovoreno je da će se ubrzati aktivnosti na okončanju pravne procedure, potpisivanju Sporazuma, te stvaranju uslova za primjenu i poštivanje Ugovora.

U međuvremenu (od septembra 2018. do aprila 2019.) u Domu su opremljene multimedijalne sale i pripremljene sobe za smještaj, te uneseni aparati u kuhinju (od strane JU Studentski centar). Uglavnom se radi o mobilnom namještaju i uređajima, kao i prilagodbi postojećih instalacija. Prostor od cca 2000m² se nalazi na prvom, drugom i trećem spratu, dok je kuhinja u prizemlju. Sporazumom je predviđen i način plaćanja režijskih troškova a kako isti nije potpisan nije postojao način da fakturišemo troškove koji su nastali korištenjem prostora od strane Studentskog centra. Na tom sastanku je također insistirano da se školi dostavi Izvještaj o uloznim sredstvima kako bi isti mogli uvrstiti u svoje Izvještaje pri inventuri i na taj način povećati vrijednost objekta. Taj Izvještaj nikad nismo dobili. Insistirala sam da su ubzaju aktivnosti i da se objekat ne koristi od strane JU Studentski centar do okončanje pravne procedure ali uz isticanje činjenice da se radujemo svakoj saradnji koja je u okviru zakona i u interesu škole.

Napominjem da se od početne ideje pretvaranja dijela prostora Doma učenika u Klub prosvjetnih radnika „udaljilo“, te se prostor prilagodio još i za pružanje usluga hotelskog smještaja i ishrane.

O svim poduzetim mjerama izvjestila sam i resorno Ministarstvo početkom juna 2019.godine.

Na osnovu člana 4. Sporazuma o opremanju i korištenju objekta Doma učenika Željezničkog školskog centra Sarajevo, koji je potpisan od strane Ministarstva za obrazovanje, nauku i mlade Kantona Sarajevo, JU Studentski centar Sarajevo, JU Djeca Sarajeva i Željezničkog centra Sarajevo,

ŽELJEZNIČKI ŠKOLSKI CENTAR SARAJEVO, koga zastupa direktor Ibro Čebirić, (u daljnjem tekstu: ŽELJEZNIČKI ŠKOLSKI CENTAR)i

JAVNA USTANOVA STUDENTSKI CENTAR SARAJEVO, koga zastupa direktor Tarik Curić, (u daljnjem tekstu: STUDENTSKI CENTAR)

Dana 13. 9. 2018. godine

sklapaju sljedeći

UGOVOR

o korištenju dijela objekta Doma učenika Željezničkog školskog centra Sarajevo

Član 1.

Predmet ovog Ugovora regulisanje međusobnih prava i obaveza prilikom korištenja dijela objekta Doma učenika od strane Studentskog centra.

Član 2.

Ugovorne strane potvrđuju da se predmetni objekat nalazi u ulici Safeta Zajke, broj 6, općina Novi Grad Sarajevo, ukupne površine od cca 4.000 m², te da je vlasništvo Željezničkog školskog centra, te da je dio objekta koji se daje na korištenje Studentskom centru ukupne površine od 2.700 m².

Član 3.

Ugovorne strane utvrđuju da se dioobjekta koji se daje na korištenje Studentskom centru sastoji od: prizemlje: restoran, hodnik, kuhinja sa pripadajućim prostorom, vešeraj i portirnica površine 450 m², cjelokupan prostor na I, II, III spratu površine od 2250 m².

Ugovorne strane su suglasne da se kod preuzimanja prostora iz člana 3. ovog Ugovora sastavi primopredajni zapisnik kojim će se utvrditi stanjedijela objekta, te popis inventara opreme i namještaja, a zapisnik je sastavni dio ovog Ugovora, te da se isto učini nakon prestanka korištenja prostorija od strane Studentskog centra.

Ugovorne strane su saglasne da dio Doma u kojem je formiran vrtić „ŽIŠ“ nije predmet ovog Ugovora i rad ovog dijela objekta ne smije bit ugrožen korištenjem bilo kojeg potpisnika Ugovora u budućnosti.

Ugovorne strane su saglasne da će Željeznički školski centar koristiti dio objekta za svoje potrebe u utvrđenom obimu.

Ugovorne strane su saglasne da korištenje dijela prostora Doma utvrđenog članom 3. ovog Ugovora i eventualnim anexima Ugovora ne daje Studentskom centru pravo raspolaganja ili otuđenja dijelom objekta, kao ni druga prava definisana Zakonom o obligacionim odnosima i Zakonom o stvarnim pravima.

Član 4.

Ugovorne strane su saglasne da se predmetni dio objekta ukupne površine od 2.700 m² daje na korištenje radi opravdanog društvenog interesa.

Član 5.

Posebno ugovorene obaveze ugovornih strana

A) Obaveze Željezničkog školskog centra:

1. Čuvarska služba – obezbijeđen nadzor i čuvanje objekta 24 sata od strane noćnih čuvara (2 izvršioca) i dnevnog čuvara (1 izvršilac) zaposlenih u Željezničkom školskom centru;
2. Redovno održavanje i sitne popravke- od strane domara (1 izvršilac) zaposlen u Željezničkom školskom centru;
3. Čišćenje prostorija- radnik u vešeraju(1 izvršilac) zaposlen u Željezničkom školskom centru;
4. Tekuće održavanje: IV-og sprata i kotlovnice;
5. Održavanje instalacija: kotlovnica, vodovodna i kanalizaciona instalacija, protivpožarna oprema, telefonska centrala;
6. Plaćanje komunalnih i režijskih troškova:
 - grijanje: 20%
 - električna energija: 20%
 - vodovod i kanalizacija: 20%
 - telefonska linija, kablovska TV i internet: 100%
 - odvoz smeća: 20%
 - periodični pregled vatrogasnih aparata i hidrantske mreže.

B) Obaveze Studentskog centra:

1. Tekuće održavanje: kuhinjski prostor sa pripadajućim prostorijama, restoran, holovi, cjelokupan prostor I., II i III sprata,
2. Plaćanje komunalnih i režijskih troškova:
 - grijanje: 80%
 - električna energija: 80%
 - vodovod i kanalizacija: 80%
 - odvoz smeća: 80%
 - za potrebe Studentskog centra posebna telefonska linija, kablovska TV i internet: 100%.

Ugovorne strane su saglasne da svaki korisnik u ime Doma a za svoj račun održavai preuzima obaveze za tekuće održavanje prostora i opreme koju koristi, a koji je definisan ovim članom Ugovora, i to tako da sa prethodnom najavom blagovremeno obavi sve poslove održavanja te time spriječi pogoršavanje stanja Doma.

Član 6.

Ugovorne strane slažu se da se prosotor koristi (zajednički i pojedinačni) sa pažnjom dobrog domaćina, isključivo za utvrđene djelatnosti, odnosno djelatnosti koje nisu u suprotnosti sa drugim djelatnostima koje se u Domu obavljaju, te koje ni na koji način ne ugrožavaju, niti ometaju redovne djelatnosti predškolske ustanove i Doma učenika.

Za popravke veće od tekućih održavanja, a koje su prouzrokovane nepažnjom ili namjerno od strane korisnika dijela doma, ugovorna strana koja je štetu prouzrokovala i istu sanirala nema pravo povrata troškova.

Član 7.

Ugovorne strane su saglasne da će svaki korisnik prostora za dio koji koristi plaćati realne režijske troškove (troškove grijanja, vodu, kanalizaciju, struju, troškove telefonskog priključka) u ime Doma a za svoj račun kako je to navedeno u članu 5. ugovora.

Član 8.

Ugovorne strane su suglasne da će komunalne troškove plaćati u roku od 15 dana od dana ispostavljanja fakture/računa, a ostale troškove po njihovom nastanku i to na način da Studentski centar uplati na račun Željezničkog školskog centra novac u iznosu dijela nastalih troškova u postotku naznačenom u članu 5. ugovora.

U slučaju kašnjenja plaćanja zaračunavati će se zakonske zatezne kamate.

Član 9.

Ugovorne strane su suglasne da se ovaj Ugovor sklapa na određeno vrijeme i to najviše u trajanju od 24 mjeseca sa mogućnošću ponovnog zaključivanja, odnosno produženja važenja anexom ugovora.

Ugovorne strane su suglasne da svaka strana može otkazati ovaj Ugovor ako se postupa protivno pravima i obavezama utvrđenim ovim ugovorom sa otkaznim rokom od 60 dana, uz obavezu izmiranje svih nastalih troškova do momenta raskidanja ugovora.

Član 10.

Sve eventualne sporove proistekle iz ovog Ugovora ugovorne strane nastojati će riješiti mirnim putem, a u slučaju nemogućnosti takvog rješenja za sporove je nadležan Sud u Sarajevu.

Član 11.

Ovaj ugovor stupa na snagu sa danom potpisivanja obiju ugovornih strana, a sklopljen je u 6 (šest) primjeraka od kojih svaka ugovorna strana zadržava po 3 (tri) primjerka.

U Sarajevu, dana 13.9. 2018.godine

ŽELJEZNIČKI ŠKOLSKI CENTAR SARAJEVO

Direktor: [redacted]

Broj: 01-1211/18



JAVNA USTANOVA
STUDENTSKI CENTAR SARAJEVO
direktor, Tarik Curić

Broj: [redacted]

Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

fadeta

EDINA PASIC
ABD FEJZIC

Broj:01-05-38844-171/19
Sarajevo, 06.11.2019. godine

VLADA KANTONA SARAJEVO

MINISTARSTVO ZA OBRAZOVANJE,
NAUKU I MLADE

JU STUDENTSKI CENTAR

Zastupnica Danijela Kristić na 14. Radnoj sjednici Skupštine Kantona Sarajevo, održanoj dana 30.10.2019.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo izrazila je nezadovoljstvo jer nije odgovoreno na pitanje postavljeno 15.06.2019. godine te pitanje ponovo uputila Vladi KS, nadležnom ministarstvu i JU Studentski centar Sarajevo.

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“ broj 41/12 - Drugi novi prečišćeni tekst, 15/13 i 47/13,47/15,48/16) odgovore, u pisanom obliku, uputite predsjedavajućem Skupštine Kantona Sarajevo kako bi iste dostavili zastupnici Danijeli Kristić, kao i ostalim zastupnicima Skupštine.

Prilog: Zastupničko pitanje

CO:
-sekretar SKS
-sekretar Vlade Kantona



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

PREDMET: ZASTUPNIČKO PITANJE

Budući da mi nije odgovoreno na moje zastupničko pitanje postavljeno 15.06.2019. godine. Izražavam nezadovoljstvo i pitanje ponovo upućujem Vladi KS, nadležnom ministarstvu i JU STUDENTSKI CENTAR SARAJEVO

Pitanja glase :

1. Imam informaciju da su se namjenska sredstva koja je JU STUDENTSKI CENTAR dobio od MINISTARSTVA OBRAZOVANJA, NAUKE I KULTURE za obnovu i stavljanje u funkciju Đačkog doma ŽELJEZNIČKOG ŠKOLSKOG CENTARA (u Buča Potoku), trošena **nenamjenski**. Molim da mi dostavite odobrenu specifikaciju plana utroška sredstava i **da mi objasnite zašto su sredstva trošena nenamjenski**, jer svako nenamjensko trošenje dovodi u pitanje kompletnu realizaciju projekta i kršenje samog ugovora, te treba da snosi odgovornost onoga ko ne postupa sa sredstvom onako kako su odobrena.
2. Zašto objekat Đačkog doma ŽŠC-a još uvijek nije u funkciji, i ako je koliko sam informisana već odavno izvršen utrošak sredstava za obnovu i stavljanje u funkciju istog. Da li je procedura registracije objekta u skladu sa planiranom namjenom dovedena do kraja. Prema informacijama sa kojima raspolazem objekat je zaključan, obnovljen i ne koristi se za namjenu koja je planirana i definisana ugovorom, te da sama registracija nije završena radi ljudskog nemara.

Dali ste prije potpisivanja ugovora, vodili računa o mogućnosti da se taj objekat koristi u namjene koje ste planirali, a kako sam mogla čuti iz izjava u medijima plan je bio da se objekat otvori za smještaj gostiju i pružanja restoranskih usluga otvorenog tipa, uz naravno dio koji bi trebalo da koristi Ministarstvo obrazovanja. Koliko mi je poznato zbog registracije samog objekta Đačkog doma ova planirana djelatnost nije moguća prije izmjena u samoj registraciji. Molim da mi dostavite aktuelnu registraciju Đačkog doma, registraciju i dozvole za djelatnosti koje su planirane, zatim potpisan Sporazum između Ministarstva, JU Studentskog centra i JU Željeznički školski centar, kao i ugovor između JU Studentski centar i i ŽŠC o korištenju objekta.

Skenderija br. 5, 71000 Sarajevo E-mail: info@narodipravda.ba

Telefon: +387 33 860 860 ID: 4202505180000 Šifra djelatnosti: 94.92

Račun br. Raiffeisen Bank: 1610000197720058

Bojim se da je zbog ne adekvatne pripreme u planu namjene objekta, zatim ljudskih propusta tokom pripreme ugovora „zarobljen“ značajan dio sredstava u obnovu objekta, a da će za stavljanje istog u funkciju proći dosta vremena. Smatram da bi oni koji su napravili propuste a sudionici su ovog projekta trebali imati odgovornost, jer su „zarobljena“ značajna sredstva od kojih sada niko nema koristi a itekako bi mogla da se iskoriste, jer toliko imamo projekata i objekata kojima bi ova sredstva dobro došla.

Sarajevo 28.10.2019.godine

Zastupnica u Skupštini KS

Danijela Kristić


Skenderija br. 5, 71000 Sarajevo E-mail: info@narodipravda.ba

Telefon: +387 33 860 860 ID: 4202505180000 Šifra djelatnosti: 94.92

Račun br. Raiffeisen Bank: 1610000197720058

Zimbira**adel.kopic@mon.ks.gov.ba****Re: odgovor za drugo pitanje za žiž**

From : Sadeta Selimović <sadeta.selimovic@mon.ks.gov.ba>

Tue, 10 Dec, 2019 12:39

Subject : Re: odgovor za drugo pitanje za žiž**To :** Lamija Husić <lamija.husic@mon.ks.gov.ba>**Cc :** Adel Kopic <adel.kopic@mon.ks.gov.ba>, Sanela Hercegovac <sanela.hercegovac@mon.ks.gov.ba>

To je to sa prilogom,
pa neka čitaju i odgonetnu šta je čije,
LP

----- Original Message -----

From: "Lamija Husić" <lamija.husic@mon.ks.gov.ba>**To:** "Sadeta Selimović" <sadeta.selimovic@mon.ks.gov.ba>**Cc:** "Adel Kopic" <adel.kopic@mon.ks.gov.ba>, "Sanela Hercegovac" <sanela.hercegovac@mon.ks.gov.ba>**Sent:** Tuesday, 10 December, 2019 12:00:14**Subject:** Re: odgovor za drugo pitanje za žiž

Poštovana Sado, sve navedeno će biti u prilogu, škola nam je jutros poslala, da li se slažeš da ide na print i ministrici na potpis, pozz, Lamija

Lamija Husić,
pomoćnik ministra za srednje obrazovanje i obrazovanje odraslih
Ministarstvo za obrazovanje, nauku i mlade Kantona Sarajevo
ul. Reisa Džemaludina Čauševića 1
tel.+387333562134
e-mail: lamija.husic@mon.ks.gov.ba

----- Original Message -----

From: "Sadeta Selimović" <sadeta.selimovic@mon.ks.gov.ba>**To:** "Adel Kopic" <adel.kopic@mon.ks.gov.ba>**Cc:** "Lamija Husić" <lamija.husic@mon.ks.gov.ba>, "Sanela Hercegovac" <sanela.hercegovac@mon.ks.gov.ba>

12/18/2019

Zimbra

Sent: Tuesday, 10 December, 2019 11:46:12

Subject: Re: odgovor za drugo pitanje za ŽiŠ

Hvala,

vi ćete dakle objediniti odgovor

pretpostavljam da se ovi pobrojani akti za ŽIŠ dostavljaju u prilogu odgovora,
LP

----- Original Message -----

From: "Adel Kopic" <adel.kopic@mon.ks.gov.ba>

To: "Lamija Husić" <lamija.husic@mon.ks.gov.ba>, "Sadeta Selimović" <sadeta.selimovic@mon.ks.gov.ba>

Sent: Tuesday, 10 December, 2019 11:02:22

Subject: odgovor za drugo pitanje za ŽiŠ

Poštovane,

U prilogu odgovor na drugo zastupničko pitanje Danijele Kristić.

S poštovanjem,

Adel

Zimbira**adel.kopic@mon.ks.gov.ba****Re: Poslanicko Studentski****From :** Sadeta Selimović <sadeta.selimovic@mon.ks.gov.ba>

Fri, 06 Dec, 2019 13:23

Subject : Re: Poslanicko Studentski**To :** Lamija Husić <lamija.husic@mon.ks.gov.ba>**Cc :** Adel Kopic <adel.kopic@mon.ks.gov.ba>

Hvala

juče sam emailom poslala odgovor na pitanje iz naše nadležnosti LP

----- Original Message -----

From: "Lamija Husić" <lamija.husic@mon.ks.gov.ba>**To:** "Adel Kopic" <adel.kopic@mon.ks.gov.ba>, "Sadeta Selimović" <sadeta.selimovic@mon.ks.gov.ba>**Sent:** Friday, 6 December, 2019 12:54:25**Subject:** Re: Poslanicko Studentski

Poštovana kolegice, poslali smo zastupničko pitanje ŽIŠ-u i u ponedjeljak , 9.12.će nam dostaviti odgovor Ti možeš nama poslati svoj dio odgovora, pa ćemo mi objediniti, pozz, Lamija

Lamija Husić,
pomoćnik ministra za srednje obrazovanje i obrazovanje odraslih
Ministarstvo za obrazovanje, nauku i mlade Kantona Sarajevo
ul. Reisa Džemaludina Čauševića 1
tel.+38733562134
e-mail: lamija.husic@mon.ks.gov.ba

----- Original Message -----

From: "Lamija Husić" <lamija.husic@mon.ks.gov.ba>**To:** "Adel Kopic" <adel.kopic@mon.ks.gov.ba>**Sent:** Friday, 6 December, 2019 12:32:35**Subject:** Fwd: Poslanicko Studentski

Lamija Husić,
pomoćnik ministra za srednje obrazovanje i obrazovanje odraslih
Ministarstvo za obrazovanje, nauku i mlade Kantona Sarajevo
ul. Reisa Džemaludina Čauševića 1
tel.+387333562134
e-mail: lamija.husic@mon.ks.gov.ba

----- Forwarded Message -----

From: "Sadeta Selimović" <sadeta.selimovic@mon.ks.gov.ba>
To: "Lamija Husić" <lamija.husic@mon.ks.gov.ba>, "Adel Kopic" <adelkopic@yahoo.com>
Cc: "MON obrazovanje i nauke" <mon@mon.ks.gov.ba>, "Azra Veljković" <azra.veljkovic@mon.ks.gov.ba>, "Sanela Hercegovac" <sanela.hercegovac@mon.ks.gov.ba>
Sent: Thursday, 5 December, 2019 15:48:29
Subject: Fwd: Poslanicko Studentski

Poštovani,

u prilogu je zastupničko pitanje zastupnice Danijele Kristić, a u vezi "đaćkog doma ŽIS".
Dio pitanja je iz naše nadležnosti, a dio iz nadležnosti Sektora za srednje obrazovanje. Kolegica Sanela je pripremila odgovor na pitanje br. 1.

Ne znamo da li ste vi već odgovorili na drugo pitanje, ako jeste javite nam da i mi pošaljemo ovaj dio.
Ako niste do sada poslali odgovor na pitaje broj 2. da se dogovorimo ko će objediniti odgovor uvaženoj zastupnici. To možemo uraditi i mi samo nam pošaljite odgovor za pitanje br.2..

Ili ovaj naš odgovor za pitanje br 1. uvrstite u vaš odgovor za pitanje br 2. i pošaljite.

Molim vas javite šta da radimo
LP

----- Forwarded Message -----

From: "Sanela Hercegovac" <sanela.hercegovac@mon.ks.gov.ba>
To: "Sadeta Selimović" <sadeta.selimovic@mon.ks.gov.ba>
Sent: Thursday, 5 December, 2019 12:38:12
Subject: Poslanicko Studentski

U prilogu poslaničko pitanje vezano za Studentski centar i odgovor na dio koji se odnosi na sredstva iz 2017. godine za koji je nadležan Sektor za ekonomske poslove.
LP